

善於去來今三世之慧亦善於權善察衆生
亦善於義亦善於解善斷於三惡處

放光摩訶般若波羅蜜經卷第二十三

放光摩訶般若波羅蜜經卷第二十四

西晉三歲無羅義共竺叔蘭奉 詔譯

漚和狗舍羅品第七十之餘

佛告須菩提是爲菩薩摩訶薩行般若波羅
蜜念般若波羅蜜之德須菩提白佛言
木提白佛言世尊云何爲行般若波羅蜜云何

念云何入佛言當知五陰有常無常有堅固
無堅固有真無真當作是知是爲行般若波
羅蜜入般若波羅蜜當如入空觀諸所有皆
無所有當作是念須菩提言世尊菩薩學般
若波羅蜜當至久如佛言菩薩從初發意行
般若波羅蜜至坐道場當作是行當作是念

當作是入須菩提言世尊若菩薩念般若波
羅蜜當以一意念耶佛言菩薩常以一意至
念般若波羅蜜不得令他餘之意中得其便
行般若波羅蜜作是入作是念不離薩云若
念念般若波羅蜜當如意法隨意不離須菩
提言世尊般若波羅蜜持行持念持入遠薩
云然耶佛言不也須菩提白佛言世尊持是
不念得薩云然耶佛言不也須菩提白佛言
世尊持念已不念得薩云然耶佛言不也須
菩提白佛言世尊亦不念亦不念得薩云
然耶佛言不也須菩提言當以云何得薩云
然佛言如如云何如如佛言如真際云何如
真際佛言如法性如衆生性如壽性如命性
世尊云何如法性如衆生性如壽性如命性
佛言於須菩提意云何吾我壽命衆生爲可
得不須菩提言世尊不可得佛言吾我壽命
衆生不可得云何有衆生名衆生菩薩當作
是知不以有名入般若波羅蜜不以有名入

諸法得遠薩云然湏菩提言世尊是六波羅蜜不當以名耶佛言六波羅蜜及諸法皆不以有爲無爲之法及三乘之法湏菩提言世尊若諸法不可名不可有名云何有名云何有五趣生死及湏陁洹斯陁舍阿那舍阿羅漢辟支佛三耶三佛佛言於湏菩提意云何衆生名處爲可得見不世尊不可得見佛言衆生處尚不可得見何况有五趣三乘之法菩薩行般若波羅蜜者當學無處所所名諸法無處所湏菩提言世尊如世尊所說爲不當學五陰耶乃至薩云若不當學耶佛言當學五陰亦當學薩云然雖學亦無所處云何所學而無所處佛言學五陰薩云然亦無所生無所滅復問云何學無所生無所滅佛言當學所作無所有云何當學所作無所有佛言觀法如自觀無所有相是爲學所作無所有云何自觀無所有相佛言如觀五陰空如觀六情空如觀内外空如觀有無空如觀禪

妙見菩薩二

空如觀滅脫禪空如觀三十七品空如觀道空湏菩提菩薩行般若波羅蜜當作是觀當自觀相法空湏菩提言世尊若五陰空乃至于道亦空菩薩當云何行般若波羅蜜佛言菩薩行般若波羅蜜爲不成之行云何不成之行佛言般若波羅蜜不可得見故菩薩亦不可得行亦不可得亦無有行者亦無有當行者亦無有已行者是皆不可得是菩薩般若波羅蜜無成之行何以故諸戲不可得見故湏菩提言世尊菩薩如是爲不成行新發意者當云何行般若波羅蜜佛言菩薩從發意當無所倚法學行六波羅蜜皆當無所倚乃至薩云然當念無所倚云何爲倚云何爲不倚佛言二者爲倚一者爲不倚云何爲二云何爲一佛言眼色爲二六入念法爲二道與佛爲二是爲二云何世尊從有倚中無倚從無倚中有倚佛言亦不從有倚中有倚亦不從無倚中有倚倚與無倚而一等入者是

謂無倚須菩提菩薩於倚無倚等者是謂無倚當作是學菩薩如是學般若波羅蜜者是為無有倚須菩提言世尊菩薩行般若波羅蜜亦不行倚亦不行不倚云何行般若波羅蜜具足諸地而逮薩云然佛言菩薩不住於倚具足諸地何以故般若波羅蜜亦非倚道

亦無所倚行般若波羅蜜者亦不可得見菩薩當作是行世尊般若波羅蜜不可得見道亦不可得行道者亦不可得云何菩薩行般若波羅蜜分別諸法是五陰是為道耶佛言菩薩行般若波羅蜜亦不倚五陰亦不倚道復問若菩薩不倚五陰亦不倚道云何具足

放光二十四

三

六波羅蜜過菩薩住云何淨佛土化衆生云何逮薩云然云何轉法輪云何當作佛事云何脫衆生生死佛言菩薩亦不為五陰故行般若波羅蜜亦不為道故行般若波羅蜜復問為阿誰故行般若波羅蜜佛言適無所為故行般若波羅蜜何以故諸法無有作者般

若波羅蜜亦無有作者亦無成者道亦無作者亦無成者菩薩亦無有作者亦無有成者菩薩當作是行般若波羅蜜應無所作應無所成須菩提言世尊若諸法無作無成者亦無有三乘之處佛言無作無成之法處不可得何以故以凡愚癡之士入五陰倚五陰自貢高倚道貢高便念言我當得道度脫衆生何以故須菩提佛以五眼尚不能得五陰及道況於凡夫愚癡無目而入五陰欲度衆生須菩提言世尊以五眼不得衆生不見可度者云何成阿耨多羅三耶三菩而云何處衆生於三際佛言我亦不見得阿惟三佛我亦不得衆生我亦不見三際亦不得亦不見以衆生無身及有身想但以是戒之耳所說教但以世俗故有是言教非是最第一義無言之教須菩提言世尊不住最第一要義成阿惟三佛耶佛言不也須菩提言從四顛倒成

阿惟三佛耶佛言不也湏菩提白佛言世尊

不從第一要義得亦不從四顛倒得將無出
尊不達正覺耶佛言不也佛言如來達正覺
耳亦不住有為性亦不住無為性辭如如來
化作如來亦無所住亦來亦去亦住亦坐亦
復行六波羅蜜亦能行禪亦行四等四無形
禪能行五通三十七品能行三脫門行內外

卷二十一四

空及有無空亦行八解脫九次第禪十力四
無所畏佛十八法亦能轉法輪此化佛復化
作無央數人化佛語人言有度有衆生有三
際佛問須菩提是化佛所化頗有三際衆生
不須菩提言不也世尊佛告須菩提是故如
來無所著等正覺知諸法如化無所度脫菩
薩於般若波羅蜜當作是行當作是知須菩
提言如世尊言諸法如化如來所化身與如
來身有何等異有何等差別如來亦無有異
亦無有差別何以故如來亦有所作化亦有
所作復問無有如來化獨能有所作耶佛言
能有所作云何世尊佛告須菩提過去有佛

名須扇頭湏家頭者晉言極淨如來彼佛此時人無有
行菩薩道者時佛現般泥洹作化佛留住一
劫行佛事一劫已後彼化佛授應菩薩行者
剃復般泥洹人皆呼般泥洹不知是化佛言
化亦無生亦無泥洹須菩提菩薩行般若波
羅蜜者當解諸法如化湏菩提言世尊若化
卷二十一
五

所作如來所作無有差別者所作功德云何
畢施之恩若供養化佛供養如來彼供養者
至般泥洹其福盡滅不佛言如我為一切天
及人作福田化如來亦復是一切之福田等
無有異佛言置是供養如來化如來所作功
德若有人慈意常念佛其福至畢若乃盡佛
言置是慈意之福若人但以一把之華散虛
空中須臾念佛其福亦復至于畢若佛言置
是散華之福但有人能彌滿無佛者其功德
福亦至于畢若須菩提施如來之福甚大弘
普須菩提當作是知諸法皆等化佛及佛無
有差別菩薩當作是行般若波羅蜜當解諸

法之法亦不當滅亦不當捨是般若波羅蜜
法亦不當別乃至諸法亦當如是須菩提言
世尊若諸法不當別如來云何言是色是痛
是想是行是識云何說是內法是外法是善
是惡是漏是非漏是道是俗是生是死是有
為法是無為法世尊如是諸法將無分別耶

佛言不也但以名字數示衆生欲使解耳亦
無所分別世尊是無名号之法云何以名相
教授衆生欲令得解佛言行亦無名亦無相
亦無入行亦無苦亦無相亦無入諸佛及弟
子亦不入想若名有入名想亦當入想空當
入空無相亦當入無相無願亦當入無願真
際亦當入真際法性亦當入法性無為法者
亦當入無為法是諸法但以字耳字亦不入
字菩薩住於以名相行般若波羅蜜亦不當
入名相中須菩提言世尊若諸有為法但以
名相住者菩薩為誰而發道意為誰受若干
勤苦行六波羅蜜為誰行禪及無形禪及行

四等三十七品摠三脫門具大悲大慈皆為
誰行佛言以名字數相諸有為亦不以名相
空是故菩薩行菩薩道遠薩云若乃轉法輪
以三乘法度脫衆生是名字及相亦不生滅
如所住無有異須菩提言世尊說薩云然耶
佛言是我所說薩云然說薩云然事說道慧
大放光三十四

事世尊是者有何差別佛言薩云若者是諸
聲聞辟支佛事道慧事是諸菩薩摩訶薩事
薩云若事者是諸佛如來事復問云何薩云
若是聲聞辟支佛事佛言諸内外法羅漢辟
支佛悉知雖知不住衆道事何等為菩薩道
慧事佛言菩薩者一切諸道皆當說皆當知
及三乘道亦當具足知亦當作三道之事亦
不受真際覺復問菩薩云何具足佛事不覺
真際佛言未具足佛土未化衆生不當受真
際覺復問菩薩當住於道中受真際證耶佛
言不也云何可從無道耶佛言不也世尊可
從道非道耶佛言不也亦不道亦非非道耶

佛言不也須菩提言世尊當云何佛言於須菩提意云何汝本住於道滅盡諸漏耶須菩提言不也佛言汝從非道滅諸漏耶世尊不也佛言汝以道亦非道亦非非道滅諸漏耶世尊言汝以道亦非道亦非非道滅諸漏而無所不也我無所住而滅諸漏雖滅諸漏而無所住佛告須菩提菩薩亦復如是雖爲真際作證亦無所住雖言薩云若薩云若事者亦一事耳世尊何等爲一事佛言寂靜者是也佛告須菩提諸所言所有形貌之像起滅之事佛悉覺之是故名薩云若須菩提白佛言世尊薩云若薩云若事道慧事是三句緒際寧有差別不緒有盡有餘者不佛言緒盡無有差別也但爲佛諸習緒盡耳聲聞習緒不悉盡世尊余爲緒不盡得泥洹耶佛言不也世尊泥洹者爲有差別耶佛言不也若無差別出尊云何說諸習緒不盡佛言諸習者非習緒也雖有姪怒癡爲凡夫身作耗非爲是緒

梵九二十一梵九二十一七

所以者何第一要中無若干行也亦不施若干爲愛斷者故施後際世尊諸法相各自空真際不可知云何知有後際佛言如是諸法相空真際不可知何況有後際不知諸法相空者我爲是輩說前後際耳諸法相者亦無前後須菩提菩薩行般若波羅蜜者當知諸法相空如是諸法行空於諸法無所入亦不入內法亦不入外法亦不入有爲無爲法亦不入三乘法復問世尊所言般若波羅蜜者何以故言般若波羅蜜佛言得度第一諸法之度最第一度三乘之道諸如來無所著等正覺乘皆乘般若波羅蜜得到彼岸是故言

般若波羅蜜又復超越諸法之塵不得駐要
是故復言般若波羅蜜真際之法性及如皆
入般若波羅蜜中是故言般若波羅蜜須菩
提般若波羅蜜於是諸法亦不合亦不散有
見無見有礙無礙於是諸法亦不合散以般
若波羅蜜無形不可見亦無有對一相則無

相所以者何生諸法諸辯故諸天及世間魔
怨異學及聲聞辟支佛家一切無能斷截菩
薩摩訶薩行般若波羅蜜者所以者何一切
魔怨及諸二地皆不可得故須菩提菩薩於
般若波羅蜜義中當作是知當作是行復次
須菩提菩薩於般若波羅蜜義中行無常義

苦非我義知若集義知盡道義知消滅義知
不起義知法義見一遍知義自知義知他人
意義行如所言須苦提菩薩於般若波羅密
當知是義當作是行須苦提白佛言世尊是
深般若波羅密中義以非義皆不可得云何
菩薩於般若波羅密當習諸義佛言菩薩深

義者般若波羅蜜是當作是行菩薩於姪怒
癡有耗故不當行邪見之義亦不當行於六
十二見知其無義亦不當行所以者何姪怒
癡如於法亦無所益亦無所耗諸見之義如
亦無所益亦無所耗言五陰有所益無所益
亦不當得行乃至道言有所益無所益亦不
當行何以故如來得阿耨多羅三耶三菩提
亦不見有所益無所益有佛無佛諸法湛然
亦無所益亦無所耗須菩提菩薩當除有益
無益當作是行般若波羅蜜世尊云何般若
波羅蜜亦無所益亦無所損佛言諸有為法
常閑亦無所作是故般若波羅蜜亦無所益
亦無所損出尊諸有為義非是諸佛及佛弟
子耶佛言諸有為法皆是諸佛及佛弟子也
亦不以益亦不以耗譬如虛空如不為所作
興亦不為無所作興般若波羅蜜亦如是亦
不為有所益興亦不為有所耗興須菩提白
佛言世尊菩薩不從不有為般若波羅蜜學

成阿耨多羅三耶三菩耶佛言如是菩薩從不有爲深般若波羅蜜學成阿耨多羅三耶三菩不以二應世尊云何一法爲遠一法耶佛言不也世尊不一者爲從二法耶佛言不也世尊云何亦不從一亦不從二云何有遠佛言遠無所得亦不以得故遠故得

放光摩訶般若波羅蜜經種樹口品第七十一

余時須菩提白佛言世尊般若波羅蜜爲甚深無衆生而菩薩摩訶薩爲衆生機若求阿耨多羅三耶三菩薩如士夫欲於空中種樹菩薩爲衆生故欲遠薩云若佛言如是如是須菩提欲爲衆生遠薩云若以想爲衆生而度脫之須菩提辭如有人欲種樹者而不知樹根亦不知莖節枝葉華實取其栽而種之隨時溉灌而長養之稍稍莖節枝葉華實各各具足便取枝葉莖節其中用者各取用之又取其果而食之須菩提菩薩用一切衆生發阿耨多羅三耶三菩次行六波羅蜜遠薩

云若枝節莖葉華實益於衆生以葉度三惡趣以有華故便有四姓尊者及諸四天乃至無思想無思想慧天實者如菩薩成阿耨多羅三耶三菩遠薩云然便有須陀洹果斯陀含果阿那含果阿羅漢果辟支佛道有菩薩便成阿耨多羅三耶三菩益衆生果以是果

處衆生於三乘雖成阿惟三佛亦不見衆生處從想度衆生亦不可見得衆生亦無有處可為成阿惟三佛者須菩提菩薩當作是學行般若波羅蜜當作是念須菩提白佛言世尊當知是菩薩亦如如來所以者何有菩薩來往故便斷三惡趣八難處皆斷諸貧窮下賤處皆斷三界處皆斷佛言如是如是須菩提當知是菩薩如如來無有異菩薩若耽懈怠者終不遠過去當來今現在諸佛之道世間亦無有聲聞辟支佛之三惡之趣三界無有斷時佛言當知是菩薩如如來如汝所言何以故以如知有如來知有辟支佛知有衆

賢聖以如知有五陰知有有為無為性是諸
如亦是如是故名曰如菩薩學是如遠薩云
若從是中來是故名曰如來以如等故當知
是菩薩便爲是佛須菩提菩薩當學般若波
羅蜜如學般若波羅蜜如已當學一切諸法
如學諸法如已當學具足一切法如具足如

已逮於諸如得自在逮如自在已善於諸法
根善諸根已便見衆生隨行之趣知諸趣已
便具足慧願具足慧願已便淨三世慧淨三
世慧已便行菩薩道行菩薩道已便饒益衆
生饒益衆生已便淨佛土淨佛土已便遠薩
云若遠薩云若已便轉法輪轉法輪已安立
衆生於三乘法立衆生已於無餘泥洹而般
涅槃須菩提菩薩摩訶薩自觀諸善之德及
他人德當發阿耨多羅三耶三菩須菩提白
佛言唯世尊諸天阿須倫及世間人民皆當
爲應行般若波羅蜜菩薩作禮佛言如是如
是諸天世人皆當爲之作禮世尊初發意菩

薩為衆生故發阿耨多羅三耶三菩得幾所
福佛言若有善男子善女人教三千大千刹
土中衆生皆立於羅漢辟支佛道於意云何
得福寧多不須菩提言世尊甚多甚多佛言
不如是菩薩為衆生發阿耨多羅三耶三菩
意其福倍多百倍千倍巨億萬倍佛言復置
放光品第十一

是三千大千刹土若復有人教三千大千刹
土中衆生令立黠地信地八地見地薄地淨
地已辦地辟支佛地其福不如發意菩薩為
衆生發阿耨多羅三耶三菩其福甚多百倍
千倍巨億万倍須菩提三千大千刹土中衆
生皆初發意其福不如以正定菩薩功德出
彼上百千億万倍復令三千大千刹土滿中
成就菩薩其福不如如來百千巨億万倍須
菩提白佛言新發意菩薩當念何等佛言當
念薩云若世尊薩云若者無所有亦無有相亦
尊相像佛言薩云若者無所有亦無有相亦
無有想亦不生亦不現須菩提言世尊但薩

云若無所有五陰內外空及有無空四禪四等四無形禪三十七品及三三昧八惟無九次第禪十種力四無所畏大慈大悲四無礙慧佛十八法及六神通諸有為無為性復無所有耶佛告須菩提薩云若者自無所有自無所有者空世尊何以故無所有佛言無所作者為無所有以是故諸法所有無所有皆空又須菩提諸法空無相無頃諸法如如諸法如真際諸法如法性是故諸法所有皆無所有皆空世尊若諸法所有皆無所有者何等是初發意菩薩漚和拘舍羅行六波羅蜜行四禪四等四無形禪行三十七品行內外

空及有無空行十八法行薩云若淨佛國土教化衆生佛言於諸空法有所作者則是其漚和拘舍羅能淨佛土教化衆生知佛國土及衆生所有皆無所有菩薩行六波羅蜜為佛道作因緣乃至薩云若亦為佛道作因緣知道事所有皆無所有菩薩行六波羅蜜與

所有亦不見無所有是為菩薩摩訶薩漚和拘舍羅尚不見無所有何況所有又復菩薩行檀波羅蜜布施無所有亦不知受者無所有亦不知道意無所有六不知乃至薩云若無所有亦不知遠覺者當遠覺者已遠覺者無所有亦有不知何以故一切諸法無所有

放光二四十二

道場作因緣至佛十力四無所畏四無礙慧四等佛十八法為薩云若慧具足道事一時一意以智慧一時合應便逮薩云若爾時所作諸習之繙悉滅已無所從生故持佛眼觀三千大千刹土尚不見無所有何況所有須菩提如是菩薩行般若波羅蜜於諸法不見

知法云何當知所有無所有法佛言菩薩以
世事習故現有所有現無所有非第一最要
義須菩提白佛言世尊世事及最要義為有
異耶佛言無有異世事如最要義如衆生不
知是如以是故現世事有所有無所有又須
菩提衆生於五陰有想不知無所有以是故
作是分別說法欲使衆生知無所有菩薩欲
行般若波羅蜜者當作是學

放光摩訶般若波羅蜜經菩薩行品第十七

於是須菩提白佛言唯世尊菩薩行菩薩行
者為何事佛告須菩提菩薩行者道行也是
故名為菩薩行須菩提言世尊菩薩行者為

芥放光廿四

在何處行佛言於五陰行空於內外法於六
波羅蜜行於內外空及有無空作四禪行於
四無形禪行於四等行於三十七品行於三
昧行於佛十力行於四無所畏行於四無
礙行於十八法行淨佛國土行教化衆生行
入於文字行不入文字行於阨隣居行於有

為無為性行作行不令道有二是則為道行
是則為菩薩摩訶薩空行須菩提白佛言世
尊云何為佛佛言以道覺故言佛又須菩提
逮審諦法法覺故言佛超越審諦法故故名
為佛又須菩提真覺諸法故名為佛須菩提
言世尊覺者為何謂佛言以空法覺以如覺
以法覺但以字為名須菩提覺之義是不可
斷義如及余一住無有變易是故名為覺又
須菩提但以名相故名為佛諸佛如來之道
故是故名覺諸佛世尊皆共覺故故名為覺
須菩提言世尊菩薩行道為行六波羅蜜不
為行薩云若不為成何等善增益何功德有
生有滅有著有斷耶佛言菩薩行道行六波
羅蜜至薩云若者於諸法亦無所成亦無所
敗亦無所增亦無所減亦無所著亦無所斷
佛言菩薩行般若波羅蜜道者不於諸法有
所隨於諸法亦不有所成敗有增有減亦不
生亦不滅亦不著亦不斷須菩提言世尊若

菩薩於諸法無所墮無所觀云何受持六波羅蜜而自於相行空云何行四禪云何行四空定云何行三十七品及三脫門云何行十種力佛十八法云何行大慈大悲云何行菩薩十住云何過二地云何過於菩薩位佛菩須菩提行菩薩道不以二事行六波羅蜜亦不以二事行薩云若須菩提言世尊若菩薩不以二事行六波羅蜜行薩云若者云何從初發意至後發意云何得增益功德佛言諸有以二行者是輩無所增益何以故二事行者於凡愚人有所增益菩薩從初發意至後發意不以二事增益功德以是故諸天

亦放光三十四

及人不能壞菩薩令墮二地其餘衆惡不能制菩薩令不行六波羅蜜及薩云若須菩提言世尊菩薩為功德故行般若波羅蜜耶佛言亦不以功德故行亦不以無功德故行般若波羅蜜菩薩要當供養諸佛要當具足諸善功德要當與真知識相得爾乃得成阿耨

多羅三耶三菩世尊云何菩薩供養諸佛具足功德得真知識乃逮薩云若佛言菩薩從初發意常供養諸佛諸佛所說十二部經常當受持堅持守念便得隨隣尼超諸無礙起無礙已在所生處至薩云若終不忘失所知所持所可供養諸佛功德終不生惡趣八不閑之處便受淨意已得淨意已淨佛土教化衆生以是功德終不離真知識終不離諸佛諸菩薩諸真人及讚歎佛者如是須菩提菩薩摩訶薩欲行般若波羅蜜當供養諸佛當具足諸法受諸功德當與真知識相隨放光摩訶般若波羅蜜經當得真知識品第七十三

於是須菩提白佛言世尊若有菩薩摩訶薩不供養諸佛不具足諸功德不遇真知識將無不能逮薩云若佛告須菩提菩薩摩訶薩無不供養諸如來者無不具足諸功德者無不得真知識者何以故雖供養諸佛雖作功德雖得真知識尚未逮薩云若何況不供養

十三

佛不作功德不得真知識而欲逮得薩云若

是事不然故須菩提菩薩摩訶薩欲學般若波羅蜜者當供養佛當作功德當得真知識須菩提言世尊菩薩何以故當供養佛作諸功德得真知識乃逮薩云若佛言以無有溫和拘舍羅故不從諸佛聞溫和拘舍羅事

功德未具足未逮真知識故世尊菩薩當具足何等溫和拘舍羅乃當逮得薩云若佛言

菩薩從初發意已來持薩云若意行檀波羅蜜施於三乘亦施人及非人皆具足薩云若念亦無施想亦無受者想亦無行檀波羅蜜想何以故諸想法者亦無所有亦無所生亦

無所滅觀見諸法亦無轉還者皆度諸法之想不見諸法有所作以具足溫和拘舍羅者便增益諸功德已增益功德者便行檀波羅蜜教化衆生淨佛國者亦不自受其報但欲益於衆生所作不受其報行檀波羅蜜但欲度脫一切衆生

放光摩訶般若波羅蜜經卷第二十四

放光摩訶般若波羅蜜經卷第二十五 菩

西晉三藏無羅叉共竺叔蘭奉

譯

教化衆生品第七十四

復次須菩提菩薩摩訶薩以薩云若念從初發意不離薩云若念行口波羅蜜意初不墮姪怒癡亦不念姪怒癡亦不爲所纏裹諸不

入道檢事嫉妬惡戒恚意懈怠亂意愚癡頑嚚自用著於吾我及二地意悉無何以故皆知諸法相空皆知諸法無所有無所成觀見諸法皆無轉還皆解諸法相度諸世事處於無爲具足溫和拘舍羅增益功德爲行尸波羅蜜教化衆生淨佛國土亦不於世受尸波